



“Fwnmoenq dumz namhsa, rumz bae ra mbaw gyoiy. Cin daengz mbawfaex oi, vagimngaenz ok doih. Boh nda vaiz cae naz, dahlwg caemz doekmeih. Makseq cug daengz seiz, goep heij heuh epep.” Geij ngoenz daeuj, doeg souj sei 《Cohah Ndaemnaz Ndaw Fwn》, gou lumj raen fuk veh gyaeundeidei lajmbanj youq doiqnaj nei, lumj ndaej raen bouxguhnaz cae naz, vagimnganz rangfwdfwd, duzgoep heuh’epep……

Souj sei ndeu, fuk veh ndeu, cungj hawj vunz ngeix mbouj lumz; go faex ndeu, duj va ndeu, cungj hawj vunz doengh daengz ndawsim. Gij vagimngaenz mwh lij iq hai doh doengh ngoenzneix couh youq ndawsim gou hai angj lo, gij rang lumj mbin haeuj ndaw ndang gou daeuj nei.

Gou dauqngeix seiqcib bi gaxgonq, seizhaenx, ndawranz gungzhoj, haex gwn cungj yaek mbouj miz. Vunzhoj danggya vaiq, godaih cejdaih lij doegsaw, gou ngamq ndaej bet bi couh rox dawz beh bae gip haexvaiz, cib bi couh rox riengz bouxlaux haeuj ndaw rungh bae aeu byaekcw. Daj seizde hwnj, gou couh roxnaj go vagimngaenz lo. Seizde, gou mbouj rox go vagimngaenz baenz gai, hoeng nanz mbouj nanz raen boux goenglaux ndeu haeuj mbanj daeuj, ngauz aen lingz ndeu heuh: “Sou vagimngaenz lo—— Sou vagimngaenz lo——”. Sing heuh goksasa, byotletlet.

Gou deng gij sing cauz neix ndiu ninz lo, gyoekgingj hwnqdaeuj, haiz mbouj daenj couh buet coh gij sing heuh bae. Gou raen boux goenglaux daenj aen gyaepmeg ndeu ndwn youq cunggyang, gyoengq mehmbwk ndaw mbanj fwngz riu aen daehbaengz, cingq humx ndaej ndaetndaet bae, aen ndaeng gou faemxftw mup ndaej gij heiqrang dujva, gou couh rox dwg vagimngaenz lo. Gou raen gyoengq mehmbwk ndaw mbanj ndenq vagimngaenz hawj boux goenglaux, boux goenglaux couh ndenq ngaenz hawj gyoengq mehmbwk, hawj gou cim ndaej lwgda yaek doek bae.

“Vagimngaenz, vagimngaenz.” Gou doq gangj doq buet dauq baema. Ngoenzde, gou nauh daxmeh yaek riengz de haeuj rungh bae mbaet vagimngaenz. Daxmeh ngaekgyaeuj hawj bae lo, de aeu diuz hanz faexndoeck ndeu, nda song aen mbaij, aen mbaij ndaw cang cukhaeuxyangz, cukhaeuxyangz saw ndaej yaek raen ngaenz. Dou hwnj roen lo, gou byaij

bae gonq, daxmeh byaij youq riengz laeng, mehlwg boux gonq boux laeng byaij haeuj ndaw bya bae. Daxmeh raen gou byaij naiq lo, hanh lae roengz najbyak daeuj, de doq aeu genbuh bang gou mad hanh doq naeuz: “Lwg ha, meh son hot go lwngez hawj mwngz, angq mbouj angq?” Gou riu naeuz: “Angq, angq!” Daxmeh doq byaij doq son:

“Mwngz hai youq laj daengngoenz, coh heuhguh vagim,

Mwngz hai youq lai ronghndwen, coh heuhguh va’ngaenz,

Va mwngz ronghriri, bouxlawz daeuj ndaej beij?

Gaeu mwngz heu, mbaw mwngz loeg, yawj bae daengx da doek,

Daeuj lo daeuj,

Vagimngaenz, Vagimngaenz, mwngz miz cingz,

mwngz miz ei……”

Daxmeh son coenz ndeu, gou couh riengz coenz ndeu; daxmeh ae bak ndeu, gou caemh ae bak ndeu, nyex ndaej daxmeh riu mbouj daengx. Mbouj rox mwhlawz, dou couh byaij daengz dieg hai vagimngaenz gwnzbya lo.

Vagimngaenz maj baenz gaeu, de gyaez bin hwnj gwnz rin sang, caemh maij bin hwnj gwnz gofaex. Daxmeh aemq aen daeh baengzndaem, hawj gou youq mbiengj daemq mbaet, de couh bin hwnj diegsang bae, lumj duzrwi mbaet va nei. Daxmeh doq gip va doq eu fwen hwnjdaeuj:

“Ha……leux……

Cib rungh doiq gouj bya,

Rwi bae ra vadiengz,

Rwi vih va daisieng,

Sanhbwz siengj Yinghdaiz.

Ha……leux……

Cib rungh doiq gouj dat,

Raemx gat loh song baih,

Go ram rin daeuj vaij,

Giuhva caix gvaq raemx.

Ha……leux……”

Daxmeh eu fwen rwenzrub, sing fwen hap langh youq ndaw bya. Lienz duzroeg youq ndaw ndoeng ciuz hix dingz roengzdaeuj, lumjnaeuz dingq ndaejnyi sausien guh fwen nei, caiq mbouj gamj heuh lo. (1)

Vunzbiengz Haisim Coh Daengngoenz

世人心欢向未来

——Eu Fwen senhconz Luzcungh Cienzvei

唱山歌宣传六中全会

□ Cinz Siengzcouh / 覃祥周

Gwnz mbwn fwjhoengz riux fwjmaeq,
Luzcungh cienzvei hai youq Ging,
Cungigez dangjsij bak bi rim,
Vunzbiengz haisim coh daengngoenz.

Luzcungh cienzvei neiyungz lai,
Mehmbwk bouxsai nyinhcaen hag,
Gvancez lozsiz daengx biengz ak,
Ngoenzneix haibak guh fwen haenh.

Seiqgyaiq bienqvaq seiz youh seiz,
Raeuz yaengx mbaw geiz Cungguck nding,
Mbouj lumz simnduj caeuq sawjmingh,
Ciengxlwenx vih minz maeuz leih’ik.

Cungigez cingzcik gingniemh laux,
“Sam aen sihyau” geiq coq hoz,
Loengh cing gaxgonq raeuz byaij loh,
Genhciz cwnngoz yawj dangjsij.

Luzcungh cienzvei vix fuengyiengq,
Daengx biengz gaenriengz dangj raeuz byaij,
“Cib aen genhciz” guh dahraix,
Roengzrengz bae byaij loh ronghsag.

Aen moegbiu moq youh dingh miz,
Gaenbonj vwndiz yaek geiq maenh,
“Seiq aen bizsij” ceiq aeu haen,
Giendingh saenqniemh mbouj doenghngauz.

Moqnaj diuzrap naek baenz rin,
Daengx dangj daengx minz roengz goengfou,
Bouxboux yunghrengz bae fwndou,
Mbouj hag Yezgungh maij lungz ndwi.

Aen cangzcwngh moq boq hauh yiengj,
Vungzlai caez riengz Dangjcunghyangh,
Vid gen haengguh sim ceiq angq,
Moqnaj loh gvangq engq ronghsag.

Gij baksieng gwnz gahengh de youh naeuh lo, mbouj dingz lae raemxnong, saekhau saekhoengz dox-gyauz, gyanghwnz duzsap dwgcaengz sup gij baksieng de, gyangngoenz duznengznyaen youq henz gahengh de mbinfogfog. Seiz mbwq, de hix bungj gahengh, aeu diuz fiengz gviq noh-naeuh ndaw baksieng, gvet gij raemxnong roengzdaeuj, youq ndaw uk naemj duz ngwzndaem bihaenx haeb de.

Sojmiz bouxvunz caeuq gij saeh cungj menhmenh youq ndawsim de siusaet lo, doeklaeng cij lw duz ngwzndaem haenx, aenvih Lungz Byauh daj gij baksieng gwnz gahengh cigsoh siengj daengz duz ngwz haenx, de hainduj haemz duzngwz, it sim it ei q haemz duzngwz!

•Sawcuenhvaez Lwngnyez•

Gij Golwngnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

Daihcibroek Aulungz-gveiz Gangj Goj (Daihgoj)

Mwhneix, de youq ndaw gamlauz roxnaj le goengfamh byomnyieg he, de baenzngoenz cungj mbouj oksing, ninz youq gwnz dong fiengz, laep da ngeixloek, caemrwdrwd ndaej hawj

vunz laihnaeuz de gaenq dai lo.

Caenh Lungz Byauh hemqyuyu, bouxfamh wnq cungj gvaic de goenjcauz lai, cijmiz de mbouj cam mbouj dam, cij saekseiz cengq da yawjyawj Lungz Byauh baez song baez, lumj gaenbonj mbouj ndaejnyi Lungz Byauh swenjoen nei.

Doeklaeng, Lungz Byauh caem roengzdaeuj lo, cij haeujsim boux goengfamh neix, cungj laihnaeuz ceiq lai mbouj ndaej geij ngoenz couh deng ram okrog bae lo. Hoeng byawz liuh ndaej daengz geij ndwen gvaqbae lo, de vanzlij ninz youq gizhaenx, lij caengz dai. (caengz sat)